

OGUHANUULA ABAANA



Les voyelles et histoires en langue Havu

Programme de traduction, alphabétisation et développement en langue Havu

+243 85 31 19 830, +243 975 94 24 70, +243 82 24 35 735

Comité de langue havu: + 243 89 10 62 060

Bureau: Petit marché Say-Say, bâtiment aux carreaux gris, 2^e étage

OGUHANUULA ABAANA

Haliiri bazeere baguma. Baburha abaana. Aabo bazeere bagenda bahanuula aabo baana n'okubayerek'a oku omu gurhegaanya akalamo kaabo, bihemere baje oku masomo.

Mwabo baana booshi mwaba abayunva abazeere n'abarhabayunva. Mwabo baana barhayunvaga abazeere, hajira muguma waleka amasomo. Agenda, egulu lyamurhebeka. Erhi egulu limurhebeka, abazeere bamubwira ntya: "Mwana wee! Bich'ibi walonza kujira? " Omwana abwira abazeere baage: "Akalamo kaani karhabalolaga."

Abazeere baage bamubwira :
**“omwana orhonva abazeere baage afiira
oku mpinga.”**

Ooyo mwana aderha: “Erhi nagafiira oku mpinga, arhali mwabo mwe mwafiira ko. Mwabo mwajirire akaasi kenyu, mwamburhire, naani chikola chihe chaani ch’okulola gurhe akalamo kaani nakagaheeka.” Aliko ooyo mwana chaliiri chigamba. Agenda kubeera haguma na beera baage. Baaja kuzimba omu nyumpa yabeene. Nyinayo afarhabo. Abashwekeesa. Bagerere omu munyororo, ola mwana alwala, abula owakamuheekera akalyo n’okumubukiisa. Ava afa.

***Omwana orhayunva eshe na nyina, oku
mpinga kw’anafiira!***

Abanyere banagenda, banagera oku lwinji. Baagera oku lwinji, banadooma, endaha zaabo zanabumba.

Babeere bakola balonza oguheeka ngasi muguma, nt yo kw’agapiri karhengere omu lubala. Kabeere karhenga omu lubala, kaanaja ku bala banyere oku bali babiri, kanabalya.
Ababusi banalinga abaana mangachi bakayinja, banabula. Intyo ku nabo bagendere. Babeere bagenda banabugaana abo baana babiri emirhumba yaabo.

ABAZEERE BARHONVA

Oku muzi gweerhu haliiri omushamuka na mukaage. Baliheerhe banyere babiri. Baava babula amenji omu nyumpa. Babeere babula amenji omu nyumpa, bwanayirire, banachidoosa gurhe bakabeera omu nyumpa buzira menji. Ntaacho bayendamo, ntaacho baanywa.

Baanabwira abo banyere babiri mpu mugende muje kudooma amenji. Emuunda y'okudoomera amenji haliiri hale n'ahambuga.

Abo banyere banaderha: "Nangwa, bwayirire, rhurhakachija oku lwinji. Mw'eno saa ebiryaanyi biri omu njira."














Ababusi banaderha: "Nangwa, mugende, ntaacho chaabalya.

OLUHIIRA



Haliiri mango maguma ntya m'echanda. Abangere babiri bagenda oku ntundo nguma ntya. Baaja kuyiduiika omu kulonza ebyaasi byaliisa eenka omu mango mayinja. Babeere bachaana omuliro, ogo muliro gwagenda gwalanda omu lubanda lwabeene. Mw'olo lubanda mwaliiri emyaaka omukazi nyinalo alihingire. Bwabeere budufu, omuliro gwanagera mw'olo lubanda. Baanaja bwira omukazi mpu olubanda ohingiremo emyaaka yaawe omuliro gwagerire mo. Oyo omukazi abeere ayunva ntyo, bwanayirire, omwana waage anamubwira: "Ngahe aho waja Nyaama wee? Rhanga ontindire ndyaame." Nyina amubwira: "Mwana wee naagurhindira n'olubanda lwerhu lwahiire." Oyo mukazi ntyo kw'abeere arhenga, analibirha, analibirha, analeka omwana buzira kumurhindira obuliri. Anaja zimizya olo lubanda y'emyaaka yaage elimo erhahyaaga.

EMILENGE Y'AMAHAVU : LES VOYELLES EN HAVU

A			
	Ebata: canard	Endaha: calebasse	Agasinsinya: le talon
aa			
	Entaama: Mouton	Embaruuayi : Hirondelles (Entambiira)	Ebaale : Pierre
e			
	Embeba: la souris	Erhwe: Tête	Empene : chèvre
ee			
	Ebeere: mamelle	Akeere: couteau	Enyenyezi : Etoile
i			
	Ekirabyo: louche à bois	Enkima: singe macaque	Ebikwara : Poissons
ii			
	Esimiisi: chemise	Ekibiizo : ballai	Egihunyira : Hibou
o			
	Egopo: le gobelet	Okuboko: le bras	Enjovu: Eléphant
oo			
	Ekidooke: Banane	Aamagoonji : Epis de maïs	Echoogo: Nid de poule
u			
	Enyunyi: Oiseaux	Evuha: Os	Agasuku: Perroquet
uu			
	Omuusi : Fumée	Eguuku: Colombe	Ehuuma : Dynaste